

Сән белдвр

Эрүл-менд харлгына ямаран чигн учреждень эвранны эмнлгына гермүд-тагыан, оln зүсн кабинетмүдтагыан, хот кедг, хувц угъадг, хот хадгълдг гермүдтагыан, гаражтагыан хамдан ниилад, нег ик адл-аху болдг мөн.

Цуг эн тоот цаглагыан ясдад, кегдэд, үвлд белн болх зөвтә. Эн то-отиг эн джил мана бичкдүдин боль-ниц цаглагыан кедж төгсәв. Үвлд түлх түләгыан — 100 тонн нүүрс болн 135 кубометр мод белдэд авчквдн, кенчр угъадг маши хулддж авбвдн, кенчр угъадг гер кегдэд дуу-сгдджана.

Эн джил эклдж мана больницд чикн-хол-хамрин хирургическ, нүднә болн рентгеновск кабинетс көдлджә-нә. Шүднә кабинетд шин аппарат тәвгдджәнә, эн кабинет декабрь са-рин өрәләс авн эклдж көдлхмн.

Мана больниц эн джил оln зүсн инвентарар, гемтә улс үмөдг хувцар болн гемтә бичкдүдиг хәләдж харлгынд кергтә хувц—хунрар сәә-нәр теткгдв.

Болв ода чигн кесг дуту-дундс бәәнә. Ода нег ик дуту болгчнь — эрүл бичкдиг хәләдг онц хора уга, дакад бичкдүдт сән орндгуд уга. Да-кад болхла, бичкн столмуд болн эм хадгълдг шкафмуд күцц уга. Көлгн-күчәр бас күчрдәд бәәнәвдн. Бәәсн нег «Москвич» машигыан төгә уга болсар, олзлдж чадлго бәәнәвдн. Эн дуту-дундсиг уга келгынд эрүл-менд харлгына министерств даруд дөнъгән күргх гидж нәәлджәнәвдн.

Хот-хоолан эн джил бас сәәнәр белддж авбвдн, зуг горторг помидо-рар теткдж чадсн уга.

Мана больницин кенчр угъадг бо-лн хот уудг гер күцәдж кегдэд, уга, терүг келгынд балгысна күцәгч ко-митет шунмгыа дөнъгән өгх гидж ицджәнәвдн.

Б. БАКАЕВА.